

Caritas Gipuzkoa 649 pertsonaren bidelagun izan da ezohiko erregularizazio-prozesuan

Heren bat baino gehiago adingabeak bizi diren etxeetakoak dira


Ekainaren 30ean amaitu zen ezohiko erregularizazio-prozesurako eskaerak aurkezteko epea. Horrekin batera, Espainiako Gobernuak abian jarritako salbuespenezko neurri honi heldu nahi izan dioten migratzaileei informazioa, aholkularitza juridikoa eta babes emateko lehen etapa ere amaitu da.

Prozesua hasi zenetik (apirilaren 16an), Caritas Gipuzkoa **649 pertsonaren** bidelagun izan da. Erakundeak **12 boluntarioekin** indartu du bere Zerbitzu Juridikoa, eskaerari erantzuteko eta gertuko arreta bermatzeko.

Egindako lanaren barruan, **hasierako informazioa eman da, balorazio indibidualizatuak egin dira, dokumentazioa berrikusi da, espedienteak prestatu dira, eta akonpainamendua egin da izapideak egin bitartean**. Caritas Gipuzkoak azpimarratu duenez, *“espediente bakoitzaren atzean pertsona bat edo familia bat dago, eta denbora bat darama bere bizitza hemen eraikitzen. Gure lana da pertsona horien bidelagun izatea, informazio faltagatik edo izapideen konplexutasunagatik inor prozeduratik kanpo gelditu ez dadin”*.

Mota askotako eskatzaileak

Akonpainamendua egindako pertsona gehienak adin aktiboan daude: **% 96,5ek 18 eta 64 urte bitartean ditu**. Datu horrek erakusten du erregularizazioa lotuta dagoela enplegu formala lortzeko, kotizatze eta egonkortasun handiagoko baldintzetan norberaren zein familiaren autonomia-prozesuak garatzeko aukerarekin.



Sexuari dagokionez, datuek diote **emakumeen presentzia pixka bat handiagoa** dela. Horrek esan nahi du garrantzitsua dela genero-ikuspegiarekin ere begiratzea prozesuari, kontuan hartuta administrazio-egoera irregularrak baldintzatu egiten duela lana, gizarte-babesa, etxebizitza eta autonomia ekonomikoa lortzea. Emakume migratzaile askoren kasuan, gainera,

zailtasun horiek zaintza-erantzukizunekin, familiaren bizirautearekin eta lan prekarioekin gurutzatu daitezke.



341 mujeres


52,5%



308 hombres

47,5%

Etxeetan, askotariko egoerak daude. Nolanahi ere, Caritas Gipuzkoak nabarmendu du erregularizazio-prozesuak eragin nabarmena izan duela familietan, **izapideak egin dituzten pertsonen % 36,4 seme-alaba adingabeak dituzten etxeetakoak baitira**. Horrek erakusten du prozesuak eragina duela bai ibilbide indibidualetan, bai eguneroko bizitzari eusteko eta etorkizuna eraikitzeko egonkortasuna behar duten etxeetan.



- Persona individual: **356 personas** (54,9%)
- Pareja con hijos/as: **137 personas** (21,1%)
- Familia monoparental: **99 personas** (15,3%)
- Pareja sin hijos/as: **37 personas** (5,7%)
- Otros: **20 personas** (3,1%)

Migrazio-errealitatea ere askotarikoa da:



64,1%

416 personas



29,9%

194 personas



3,4%

22 personas



2,6%

17 personas

Eskatzaile gehienak **Kolonbia** (% 24,3), **Honduras** (% 12,6), **Maroko** (% 10,0), **Aljeria** (% 9,9), **Peru** (% 9,1) eta **Venezuelatik** (% 6) datoz,

eta Gipuzkoako hainbat udalerritan bizi dira. **Donostian** daude akonpainamendua jaso duten pertsona gehienak (% 49,2), eta ondoren datoz **Irun** (% 8,0), **Erreterria** (% 6,5), **Ordizia** (% 5,9) eta **Pasaia** (% 4,6). Nolanahi ere, **Lasarte-Orian**, **Beasainen**, **Hernanin**, **Lezon** eta lurraldeko beste udalerrri batzuetan bizi diren pertsonak ere izapidetu dute dokumentazioa.



Ez gara espedienteek buruz ari, baizik eta pertsonen buruz

Hauek dira Caritas Gipuzkoak prozesu honetan lagun egin dien pertsona batzuen istorioak. Benetako bizitzak dira, eta izena aldatu zaie haien intimitatea babesteko.

Carmen haurdun etorri zen Perutik. Senarrarekin batera etorri zen, hura lan-kontratu batekin iritsi baitzen Irunera. Azken urte eta erdian familia zaintzen aritu da, eta bere egoera erregularizatu ahal izatea espero du, senarrarekin batera negozio txiki bat abian jartzeko.

Ahmed Aljeriatik iritsi zen 2025eko abuztuan. Familia ugari batetik dator, eta bere herrixkan ez zuen etorkizunik. Bi hilabetez kanean bizi izan zen, Donostian, eta 6 daramatza Hotzaldin lo egiten, Caritasen gaueko harrera-zentroan. Han, gaztelania ikasten ari da, eta, bere egoera erregularizatzea lortzen duenean, ile-apaintzaile gisa lan egin nahi luke.

Elisa desgaitasuna duen semearekin etorri zen Kolonbiatik Donostiara. Hemen ez zuen aurkitu zain zeukan laguna. Parrokiako Caritasekin jarri zen harremanetan, eta orain Zubia programako pisu batean bizi da. Ordu gutxi batzuetan adineko pertsona bat zaintzen lan egiten du, eta arreta soziosanitarioko laguntzaile gisa trebatzen ari da, modu legalean lan egin ahal izateko.

José Carlos duela 11 hilabete iritsi zen Venezuelatik, alabarekin eta arrebarekin. Hiru hilabete geroago gurasoak ekarri zituen, eta guztiek eskatu zuten asiloa. Itxaronaldi horretan, ezohiko erregularizazio-prozesuan murgildu ziren. Dagoeneko jaso dute beren bi espedienteren izapidetze-onarpena. Hiru izapidetzen ari dira oraindik. José Carlosek kontratu bat lortu nahi du Zumarragan bere familiarekin bizitza berri bati ekiteko.

Ousmane Senegaletik etorri zen, han 2 urteko semea utzita. Itsasarte patera batean gurutzatu zuen beste 200 pertsonarekin batera. Patuak Lasarteraino ekarri zuen, eta herrikide batek hartu zuen etxean. Eskertuta dago bizilagunekin, CEAREkin eta parrokiako Caritasekin. Denbora honetan guztian, gaztelania ikasi du HHEn, eta lan batetik bestera ibili da. Dagoeneko jaso du bere espedientea izapidetzeko onarpena, eta lehen ikastun gisa aritutako enpresa batean ari da lanean. Semea berriro besarkatzearekin egiten du amets.